

استبصار

نومرو ۱۴

پنجشنبه

۱۱ کانون اول ۱۳۲۴

اولور اما واقع اولور. باشمه کلدی، ایشمه ده یارادی ده اولنک ایچون یازیویردم. ایشته بویه جه حاضرلهرق و دانس ایدرکن ترلیه جککتر ملاحظه سیله برازده خفیف رایحلی بر عطر ایله تعطیر وجود ایدرک بالویه کیدک. رقص ایده جککتر قادینک بالیکه مسکرات قوللانمادیغی ده دوشونوب نفسکزی راقی و شراب قوقولریله اخلال و افساد ایتامک نزا کشته بولنورسه کنز اولدجه مزعج بر حالدن محافظه نفس ایتش اولورسکز.

بولردنمعا باوده دقت اولانه حق شرائط جمله سندن اولهرق یالکتر کنج دلبر قادینلره رقص ایتکه حصر وقت و قوت ایده جک یرده خاطری صاییلان دیگر ماداملرکده تطیب خاطرینه بذل مروت ایتک، بر مادام و یا مادمازله برزانشه ایدیلرک انکله رقص اولنمادیغی حالده زوجی و والده سنه ده تقدیم اولنق کرکدر برده قادریلردن صکره «کیجه» طعامی تناول اولنور، شوسبیله کیمکه قادریل اویناندی ایسه اوکا طعام تکلیف ایتک عادتاً بر بوز جدر. شوقدرکه کنج برقادین و یاقزی منفرداً بر صفریه کتورمک اویه میه جفندن زوجی و یا والده سنی ده برارجه ایصال ایتک شرطدر.

خلاصه رقص رفیق کزه سوز کتیره بیله جک هرکونا احوالین یعنی صیق صیق رقصلردن، صیق فیقی صحبتلردن توقی ایتک باشلوجه آداب احترام دندر. حقیقی زبردستلک - تعیر یا کلاش اکلاشامسون - رفاقت کرده بولنق لطفنده بولسان برقادینک محافظه عفت و خدیثته اعتنا ایتمکه قائمدر، عکس تقدیرده هرقادین سزدن یوز چوردر.

محمد صالح

اسباب مداخله دول

مجموعه مزک ۷ نجی نسخه سنده (حق مداخله یا خود وظیفه عدم مداخله) سرلوحه می آئنده مندرج بولان مقاله نفیسه ده بر ویا متعدد دولتلرک ایشلرینه و یا خود آرله رنده ظهور ایدن بر منازعه به بشقه بر دولتلر قارشه سندن عبارت

اولان و حقوق دوله (حق مداخله) ناميله ياد ايديلان حقمنزلك قى زمانسا حقوق بين المملجه نه درجه ده مدخول بولندينى اسباب موجب له ايضاح و تشریح قلمشى. بنده شو مقالتمده دولترك شو حقمنزلقلىسه سبب اولق اوزره ينه او حقوق دولك ارئه ايلديكى اسباب متنوعى ذكر و تعداد ايله پيش انظار قارئيه وضعى فائده دن غير خالى كورديكمدن مقاله مبحثيه ذيلاً اسباب مذكوره يى تعداد و تشریح مبادرت ايليورم: حدذاتنده مداخله بردولتك كندى رآي مضم اولقمسزىن و موافقى استحصال ايلمكسزىن حكماً امور داخله منه وضع يد اولنميدر.

بوراده حكماً تعبيرىك استعمالندن مقصد، دوستانه اختارات اجرامى و خالصانه ارئه طريق ايدلىكى معاملاتى مداخله زمزمه سنه ادخال ايدامك در. زيرا ايلورده بر تفصيل ايضاح اولنه جنى وجهه خالصانه اختارات و توسط هيچ بر وقت مداخله معناسى تضمن ايجز. زيرا بر دولت كنديسنه وقوعبولان بو يولده كى اختاراتى قبول و اجرا ايدوب اتمامكده مخار بولور. ديكر طرفدن مداخله بر دولتك طابيله ويا انضمام رآي و موافقتيله وقوعبولش اولورسه بوكا مداخله دنيله ميوب بلكه معاونت اطلاق اولور. بوندنغولايى مداخله واقعدر دنيله بيلمك ايجون شو كيفيتك همه حال حكماً و جبراً واقع اولديغى بيان ايتك شرطدر. شو يولده بيان و تعريف ايديلان مداخله كيفيتى يا ديپلوماسى طريقيله ويا مسلحاً واقع اولور. يعنى شفاهاً ويا تحريراً حاكمانه برطاقم تدابير و اجراآتى طلبين عبارت قاليرسه بوكا ديپلوماسى طريقيله مداخله دنيلور و چوق كره مداخله مسلحيه مقدمه اتخاذ قانور و ديپلوماسى واسطه سيله وقوعبولان مداخله برنتيجه قطعيه حاصل ايلمزسه او حالده مداخله حربه باش كوسترر. مسلح مدافه ايشه او دولتك ملكتك استيلا و اشغال اولمى صورتيله واقع اولور. و بونك ايجونده بعضاً تهديد ايله ايشه باشلانيور. يعنى اكر طلب اولنان صورته او دواتجه روى موافقت كوسترلمزسه تدابير حربه به مراجعت اولنه جنى بولنده تهديداته قيام و بونى تايبدا ايجون تداركات حربه استثنائيه به مراجعت اولنور.

مداخله كرك ديپلوماسی طريقه اولسون و كرك حرباً وقوعولسون .
 نامشروع ومدخول وكلياً خلاف عدالتدر . حسيات انسانيتكارانه به مالك هيج بر
 دولت هيج بر مؤلف شوشكل مداخله نك مشروعتي ادعا ايله مز . اما بردولتك
 كندى حق بقاسى دوجار تهلكه اولور و بو خصوصده ديكر دولت طرفندن
 كنديسنه قارشو برنجاروز وقوع بولورسه بونلره قارشو مداخله صورتيله اتخاذ
 تدابير ايلمسى هيج بروقت نامشروع عد ايديله مز . بلكه حق استقلالك احسانه
 قارشو وقوعولان تشبثاتى منع ايتكم حقنده كي صلاحيتى استعمال ايتمش اولور .
 مداخله نك كيفيتى شوجهله ايضاح اولندقدنصكره شمدى به قدر ظهور بافته
 اولان وقايع سياسيه ايله انك نتايجنده وانغ اولان مداخلات دوليه نك يعنى نه كي
 احواله دولترك يكديكرى امورينه مداخله ايجون كنديلرنده حق كوردكارينك
 ايضاحنه مبادرت ايله لم :

حقوق دول مؤلفلرينك عددينى اونه قدر چيقارمقده اولدقلى اسباب مداخله
 دوايه دن برنجيسى [بردولتك ديكر دولترلر ممالك كنده وقوعه كلان تغيرات وتحولات
 و انقلابات سياسيه نك كندى ملكنه عدم تاثيرى] امرنده كي مداخله سيدر . و اما
 بردولتك آلايش داخليه سى دوجار تهلكه ايديلرسه اودولتك بوكا قارشو برحق
 مداخله سى اولمق طبيعى كوريلورسده بو حق بهانه سيله آخر دولتك تشخيلات
 سياسيه سته مداخله ايتكمده جائز اوله ماز . زيرا هر دولتك كندى اداره سنى ،
 شكل حكومتى مناسب كوردىكي صورتده تشكىل و ترتيبه صلاحيتى دركاردر .
 بوبابده اك زياده حائز اهميت اولان مداخله ، احوال سياسيه حقنده اك زياده
 موجب تاثير اولان بر معامله اولمق اوزره بوندن بر عصر اول فرانسده ظهور ابدن
 وقايع سياسيه اوزرينه المانيا ، پروسيه و اوستريا آردسند عقد ايديلان (اتفاق
 مقدس) ذكر ايديله بيلر . بيوك ناپولئونك روسيه سحرالرنده بشيوز بيك كشيلاك
 اردوسيله اوغرا ديفنى مصيبت اوزرينه تحت تحكمنه آلمش اولدغى دولترلر همان
 عليه عقد اتفاق ايله كنديسنى مسند حكومتدن تبديد و بصورتله كندى نفسلرني
 دوجار اولدقلى تضيق و تحكمن تخلصه طاورانديلر . ده طوغريمى احوال

سابقه‌ی اعاده‌ایله حکومت منفرد و مطلقه اصولك ادامه‌سی تأمین نه حصر مساعی ایلدیلر . بونك ایچون ده همان عموم اوروپا دولتری اولا ویا نه ده و بالاخره اكس لاشابل (۱۸۱۸) و لایباخ (۱۸۲۱) ده قونفره لر عقد ایدرك حكومت مطلقه و منفرد اصولك تأیید و تقویه سی امر نه عندالایجاب داخل اتفاق اولان دولترك یكدیكرینه معاونتله مقید اولدقلرینه قرارلر ویردیلر .

دولترجه مداخله بهانه اتخاذاقلان سیلردن ایكنجیسی (موازنه) مسئله سیدر . بر دوات فوق‌الحد توسیع ملك و سطوت فكر واملند بولنور و دیگر بر دوات ده شو مقصدك حصولنی كندنجی بر تهلكه عدایله سه بو خصوص مداخله به سبب عد اولنور . [*] بویولده مثال اولق اوزره بر جوق وقایع ذكر ایدیله بیلور . از جمله پروتستانلغك مؤسس اولان (لوتر) ك آلمانیا ده ظهوری اوزرینه كندیسی قاتوليك بر دوات اولدیفی حالد فرانسه حكومتی محضاً آوستریانك كسرنفوذ و سطوتی ایچون آلمانیا ده كی پروتستانلره معاونت ده بولندی . كذلك فرانسه قرالی اون دردنجی لوبینك فوق‌العاده كسب نفوذ و اقتدار ایتسی دیگر اوروپا دولترینك ۱۶۷۳ و ۱۶۸۶ و ۱۷۰۱ سنه لر نه مطلقاً فرانسه علمیه اتفاق ایله اعلان حرب ایتلرینی موجب اولدی . روسیه دولتك قدسده اورتودوكس كلیسانك حقوقك پائمال ایلدیكی بهانه ییله و حریتتده توسیع ملك امنیه ییله آچدیفی قریم محاربه سنده اوروپا موازنه سیاسیه سنك دوچار تهلكه اوله جفنی كورن انگلتره و فرانسه و ایساليا دولتری حكومت عثمانیه ایله برلكده روسیه قارشو اعلان حرب ایلدیلر . كذلك صوك چین زبون محاربه سنده ژاپونلر لیانوطونغ شبه جزیره سی ضبط ایدرك چین حكومتیله عقد ایتدكلری معاهده نامه ده اشبوشه جزیره لك كندیلرینه

[*] موازنه سیاسیه یی محافظه لك اك مهم نتیجه سی دولتر بیننده اقتدار و سطوتك یكدیكری حقنه تهدیدی موجب اوله جق درجه ده توسعی منع ایتكدر فقط جمله سنك هم درجه حائز اقتدار اولسی یا خود دول موجوده لك سطوت و اقتدارلینك برنسبتده اولسی معناسنی تضمن ایتمز . بونكله برابر معاملات سیاسیه ده موازنه فكري بیوك براساس تشكيل ایلدیكندن سیاسیون منسوب اولدقلری دولترك منفعلترینی تأمین ایچون داغما موازنه وجود ویرهك بولده ترتیبات سیاسیه ایله اشتغال ایلرلر .

ترکی درج و تعهد ایسترد کبری حالدۀ روسیہ آلمانیا و فرانسیہ دولتری اقصای شرقیہ موازنہ نیک اخلاص اولہ جفی بہانہ وسیلہ بالمداخلہ مذکور شبہ جزیرہ یی ژاپونیایہ ویردرمدیلر ژاپونیایہ دولتی دہ اووقت بونلرک شو اتحادینہ قارشو بویون اکیکہ مجبور قالدی . فقط روسیہ حکومتی اخیراً آجی و قانلی برنمرہ ایله وقتیلہ اجرا ایلمدیکی شو مداخلہ نیک نتیجہ سی اکتطاف ایستدی .

لوترک آلمانیدہ ظہور ایله پروتستانلنی نشر و تعمیم ایلمسی اوزرینہ قاولیک بر دوات اولدینی حالدہ فرانسیہ نیک محضاً آوستریانک کسر سعادت و نفوذی امرندہ آلمانلرہ معاوتی؛ کذلک فرانسیہ قرالی اون دردنجی لونی نیک نفوذ و اقتدار فوق العادہ کسب ایلمسنہ قارشو دیگر اوروپا دوللرینک ۱۶۷۳ و ۱۶۸۶ و ۱۷۰۱ تاریخلرنده متفقاً اعلان حرب ایلملری اوروپا موازنہ سی اخلاص طولانی وقوعبولان مداخلاتہ مثال اوله رق کوستریله بیلور .

اسباب مداخلہ دن معدود اولمق اوزرہ میدانہ قونیان بہانہ لردن بریسیده بر دولنک ملکنندہ ظہور ایدن حرب داخلیدن طولانی وقوعبولان مداخلہ کیفیتی در کفہ مؤلفین بو بابده کی مداخلہ نیک علمندہ بولنورلر . حتی بمضیلری بو یولده کی مداخلہ نیک بر دولنک حق استقلالہ قارشو تجاوز و تعرض دیمک اولدیغنی و چوق کرہ آسایش عمومی اخلاص وسیلہ اولہ جفی درمیان ایله نہ قرابتک ونہ منفعتده اشتراکک بو کبی مداخلاتہ وسیلہ اولہ میہ جفی بیان ایلملر . بعض مؤلفلرده بر دولت ملکنندہ ظہور ایدن بویله بر حرب داخلینک دیگر بر دولت حقندہ صریح و قطعی و مادی بر طاقم مضراتی داعی اولہ بیلدیکی تقدیرده اشبو مضراتی دفع ایچون حق مدافعی ایجاباسدن اولمق اوزرہ مداخلہ کیفیتنی تجویز ایلملر . بمضیلریده بو یولده مداخلہ نیک لہندہ بولنورق بر دولت ملکنندہ حرب داخلی وقوعندہ بر طاقم بیہودہ مقتلات و تعدیاتہ نتیجہ ویرمک اوزرہ دیگر بر دولت طرفسندن مداخلہ وقوعنی وظائیف انسانیہ کارانہ جلہ سندن عدایدلر و فقط هیچ بر کیسہ نیک جبراً دیگر برینہ معاملات خیرخواهانہ دہ بولہ میہ جفی درپیش ایلمزلر . بوندن یارم عصر اقدم آسریقا

حکومات متعده سنی تشکیل ایدن شمالی و جنوبی ایالتلر بدینده اسارتک
الغاسی حقنده ظهور ایدن حرب داخلی اوزرینه فرانسه وانکلتزه حکومتلرینک
مداخله ایتک استعمری بوباید مثال اولق اوزره کوسه تریله بیلور . او شانده
انکلتزه ده خارجیه ناظری بولنان (لورد جونز روسل) ایله لوندره ده کی امریکا
سفیری (مستر آدام) بدینده تعاطی اولنان مخبرات دیپلوماتیکیه ده آمریکا سفیرینک
اسباب مقنعه ایله نه انکلتزه ونه ده فرانسه نک حکومت مجتمعه ده ظهور ایدن بویه
برحرب داخلی به مداخله به حقاری اولمدیغنی اثبات ایلمسی اوزرینه بودولتله
بالفعل مداخله به جسارت ایده مدیلر .

مع مافیه بر دولت ملکنده بر حرب داخلی ظهورنده مشروع بولنان
حکومتک طلب ایدیلکی معاونت اوزرینه وقوع بولان مداخله مدخول عدولانه ماز .
فقط اشبو طلب حکومت مشروعه به قارشو عصیان ایدن کروه طرفندن واقع
اولورسه ذاتاً مشروعه به قارشو قیام ایلمش اولان اشبو کروهک طلبی مداخله به
اساس عد اولنه ماز .

اسباب مداخله دن دردنچیس بر دولته قارشو کرک کندی و کرک تبعه سی
افعالندن طولانی درمیان ایدیلان مطالباتک اصفا ایدلمه مسیدر . مثلاً بر دولت
مشروع و عدالتیه مقرون بر طلبی قبول ایتیوب رد ایتکله خلاف عدالت
بر مسلك اتخاذ ایلمش اوله جفتدن بونی منع ایچون مداخله وقوع بوله بیلور .
یکرمی سه اول انکلتزه دولتی تبعه سندن بضمیلرینک نیقار اغوا حکومتی ملکنده بر طاقم
خسارانه دوچار اولمندن طولانی انکلتزه حکومتجه طلب ایدیلان تضمینات ردو حکم
اسولنه مراجعت تکلیف ایدلمسی اوزرینه انکلتزه جه شویاناتک عدم قبولیه نیقار اغوا
صولرینه سفان حربیه سوقی و بو وجهله نیقار اغوا حکومتک اعطای تضمیناته
مجبور ایدلمسی بو بایده مثال اوله رق ایراد ایدیه بیلور .

مداخله بی موجب اسبابدن بشنچیس بر دولتک کندی تبعه سی صیانت
بولنده و او تبعه لهنده عقد ایلمش اولان تمهداتک اجرایی ضمانتده وقوع بولان
تکاسلدر . ازجه بر دولتک حقوق دول قواعدی خلافتده حرکت ایله تبعه
- استشاره -

اجنبیه بی رخنه دار ایامسی و مثلاً سیاحین اجنبیه بی اخذ و گرفت و مالارینی ضبط و مصادرہ ایلمسی و معاهدات موجودہ خلافندہ حقارندہ اجرای معاملہ ایلمسی بو بادیہ کی مداخلہ بہ اساس اتخاذ اولنہ بیلیر. فقط بو خصوصہ مداخلہ و بیسان شکایت ایدیلہ بیلیمک ایچون شو معاملہ نیک او دولنک تبعہ سنہ قارشو بر استنا تشکیل ایلمسی ایجاب ایدوب تبعہ محلیہ حقندہ و قوعبولان بو یولده کی تجاوزات مداخلہ بہ سبب تشکیل ایدہ من. تاریخلرده بو سبیدن طولانی کسب اهمیت ایدن مداخلہ بہ مثال اولق اوزره فرانسه لیلرک قرن سابقده مکسیقا امورینہ مداخلہ لری کوستریله بیلور.

تاریخلرجه اک زیادہ حائر اهمیت اولان اسباب مداخلہ نیک آلتنجیسی مواد روحانیہ دن طولانی بردولنک دیگر دولت امورینہ مداخلہ سی در. دینہ و قناعت وجدانیہ بہ مستند بولنان اشبو مداخلہ فی زماننا کلیاً مردود در. ازمنہ متوسطہ و متأخرہ دین اوغرینہ نیچہ قائلر دوکیش، نیچہ مداخلہ لر وقوع بولمشدر.

موسیو مارتنسک قولنجہ هیچ بر دولت مجرد دین بہانہ سیلہ اجنبی بر دواتہ اعلان حرب ایدہ من. ثانیاً منافع سیاسیہ ایلہ منافع دینہ تطابق ایلر سہ محافظہ دین بہانہ سیلہ منافع سیاسیہ تأمین و ذاتاً ہر خصوصہ اسباب سیاسیہ بہ خصوصات دینیہ بہ تقدیم ایدلدیکندن منفعت ایجاب ایلدیکجہ دینہ قارشودہ حرکت اولنمشدر. عیبا بر دولت کندی دینہ منسوب اولوبدہ دیگر دولت تبعہ سندن بولنان افرادی محافظہ بہانہ سیلہ اودولت امورینہ مداخلہ ایدہ بیلور می؟ اوروپا دولنلری جوق کرہ بو یولده مداخلہ حقنہ مالک اولدقلرینی بزہ قارشو ادعا ایلدیلر.

دولتمزک اک زیادہ حائر سطوت اولدینی زمانلرده دخی اوروپا دولنلری ممالک عثمانیہ دہ مقیم دینہ داشلری لہندہ بعض اختارات اجرای مساعده سنی استحصال ایلمشلر در. بو خصوصہ بالجلہ اوروپا دولنلرینہ تقدم ایلان حکومت فرانسدہ در.

مجموعہ مزہ تعقیب ایلیمان قارئلرمز قرداشم ابن الضیاء رشید بکک (قاپیتولاسیون) لرمز مقالانسدہ کورمشلردرکہ فرانسرلر محال مقدسہ دہ کی

قائولیکلره منسوب کلیسالرده اجرای وظیفه ایدن رهبان و خدمه لر حقننده اجرای حایه ادعاسنده بولنه رق مع الناسف بو ادعایرنی مؤید احسان بیوریلان برچوق فرمانلر استحصال ایلمشلردر. از جمله (۱۷۴۰) سنه سنده عقد اولنان بر معاهده نامه ده اورویا دول سائره سنه تابع کافه افرادک فرانسر سنجاغی آلتنده محال مقدسیه عنیمت و ممالک محروسه ده تجارتله مشغول اوله بیله جککری ذکر ایدلمشدر. مؤخرأ دیگر دولتر دخی عینی فرانسه کی کندی تبعه لرندن اولان دینداشلری حقنده حایه طلب و بشقه بشقه معاهده نامه لر عقد ایلمشلردر. مثلا ۱۶۹۹ سنه سی کانون نایسنگ ۲۹ نجی کونی دولت علیه ایله آوستریا دولتی بیننده عقد اولنان قارلوفچه معاهده نامه سنک ۱۳ نجی ماده سنده «قدس شریفک زیارتنه و مواد دینییه دأر آوستریا سفرا سنک باب عالییه عرض شکایتله مستدعیانده بولنه بیله جککری» ذکر ایدلمشدر. بو مساعدات ۱۷۱۸ سنه سنده دولتن بیننده منعقد مشهور (پاساروفچه) معاهده سنده و بعد ۱۷۳۹ سنه سنده عقد اولنان (بلغراد) معاهده نامه سنده تکرار و تأیید ایدلمشدر. کذلک دولت علیه ایله روسیه حکومتی بیننده ۱۷۲۰ سنه سی اشترین نایسنگ بشنجی کونی عقد ایدیلان معاهده نامه ده روسیه تبعه سنک کمال سربستی ایله اجرای تجارت و قدسی زیارت ایده بیله جککری و روسیه پاپاسلرینک دوجار تعدی و مظالم ایدلیه جککری تصریح ایدلدیکی کی ۱۷۳۹ سنه سی ایلولنک اون سکزننجی کونی بلغرادده عقد اولنان ایکنجی بر معاهده نامه ده اشبو مساعدات تأیید ایدلمشدر. فقط روسیه حکومتیله دولت علیه بیننده بو کی مسائلدن طولانی ایوم مناسبانه اساس اولان ۱۷۷۴ سنه سنده منعقد (کوچک قینارجه) معاهده سی محتویاتیدر. بو معاهده نامه ده روسیه نك هر نوع احوالده در مساعدات اورنودقس کلیساسنه متعلق ماده و تبعة عثمانیه دن اولان مأمورین روحانییه دأر اخطارات اجرا ایده بیله جکی ذکر ایدلمشدر. صدر اسبق عالی پاشا مرحوم (قینارجه) معاهده سنک اشبو احکامی حاوی اولان یدنجی ماده سنک صورت تفسیرینه دأر یازمش اولدینی نوطه ده: «اجنبی بردولنک دینداشی اولوب دولت علیه یه تابع بولنان تبعه حقنده حق حایه ادعا ایتمسی عادتادولنک

معاً مقاصد منی تضمن ایلدیکنی و بونک نتیجه سی اوله رق آزمدت ظرفده دولتک
 و تصرف اولدینی ملکک الدن چق منی و بویولده کی ادعایک دولت علیه نک شان و حیثیتی
 ایله قابل توفیق اولمیوب نتیجه اعتباریله اجنبی بردولتک کندی مرامنی ممالک
 عثمانیه ده حاز تأثیر عدد ایتدر مکوسیه اوله رق طوغریدن طوغری به حق حاکمیت
 تعلق ایلده جکئی بیان ایشدر. قینارجه مهادده سنک شوا حکامی روسیه دولتیجه
 حق مداخله به اساس اتخاذ ایدلمش یعنی کندی تبعه سندن بشقه اورتودقس
 کایسانه تابع تبعه دولت علیه حقنده دخی حمایه و مداخله صلاحیتی ادعای
 میدان قومی شدر که ۱۸۵۳ سنه سنده دولتین بدینده ظهور ایدن قریم محاربه سنه
 سبده بو اولمشدر. شو مداخله نک غیروار دونایمل اولدینی اووقت دولتیجه
 اثبات ایدلمش و اورویا دولتری دخی باب عالینک صورت تفسیرینی قبول و تصدیق
 ایله فرانسه و انکلتزه و ساردنیا دولتری بزمله بالاتفاق روسیه نک بویوزدن
 تجاوزاتی رفعه سی و اقدام ایلدیلر.

بزم حق مزده دائماً تجویز ایدیلان شونوع مداخلات اورویا دول غریبه سی
 حقنده اصلاً وارد دکلدرد. حالبوکه تأسس اسلامدن شو آنقدر تشکل ایلان
 حکومات اسلامیه سربستی ادیان اجرا قلنان رعایت دول غریبه تاریخلرنده
 کورلماشدر. ده یوزسنه اوللریسه کلنجیه قدر اورویاده بو خصوصده نقدرقان
 دوکلدیکی و حتی بوندن یکرمی سنه اوللری المانیاده و روسیه ده موسویلره اجرا
 قلنان معامله میدانده در. فقط نه چاره که شمده به قدر بزده عهداً جاری اولان
 معاملات؛ کویا اورویا دولترینک بویولده کی ادعاسنی قبول و تمهد ایله واقع اولمش
 و بویاده برچوقده تأمینات ویرلشدر. تأمینات ایسه اسناد اولنان برشینک
 وجودینی اعتراف دیمکدر.

اسباب مداخله نک بدنجیسی شعار و قواعد انسانیتکارانه نک محافظه سی کیفیتی در.
 بردولتک عدالت و انسانیت موافق قواعدک خارجیه ققمسیله دوچار مداخله اولدی
 بالعموم مؤلفلرجه مردوددر. زیرا بویله بر مداخله به قبول آچق لازمکسه نه کی احوالده
 بردولتک مدنیت و عدالتک خلافتده حرکت ایتدیکنی تعیین ایتک قابل اوله ماز.

سکرنجی نوع مداخله بردوانك ديكر بردوانك قوانين اساسيه و شرائط
تمدنيه سنى اصلاح و اودواتى دائره مدنيتہ اذخال امرنده وقوعبولان مداخله در .
اوروباييلرك مدنيتہ اذخال بهانه سيله اقوام شرقيه و افريقايلره قارشو وقوعبولان
تجاوزلرى بوقيلندردر . بواذعانك كلياً باطل اولدينى بيان ايجون شوقدر سويليه لمكه
هر دولت كندى احتياجائى تقدير خصوصنده حق اخياره مالكدر . يوقسه
اجنبى بردوانك بوحق اختيارينى خودبخود استعمال ايدرك اودوانك آشمدينى
برشيئى اكا قبول ايتدرمكه جبر ايتسى عادتا ظلمدر . دهها طوغرسى ضبط
ملك و استيلاى اراضى امرنده بروايله و بهانه در . او و باليلر بوخصوصده اقوام
شرقيه قارشو كندى منافع تجاريله لرينى ، كندى تبعه لرينك حمايه سنى
و مذهبداش لرينك محافظه سنى امنى تعقيب ايدرلر . هيچ بردولت ديكر بردولته
دكل حتى اقوام وحشيه بيله جبراً بقانون تكليف و بوندنطولاني اورداخله سته
مداخله ايدمزن .

مداخله لك طقوزنجيسى عقد اولنش اولان بر معاهده نامه لك شرائط
مندرجه سته تبعاً و يا وقوعبولان طلب اوزرينه اجرا ايديلان مداخله در . معاهده
منعقدہ احكامى طرفين متفادين ايجون بقانون حكمنده بولنديغندن بوبابدمكى
مداخله اعتراض كوتورمزن . زيرا مداخله طرفينك اضمحام رأى و موافقيته
وقوع بواش اولديغندن ناهشروع اولدينى ادعا ايديله ميه چكى كې هله اشبو مداخله
طلبه ، بنى واقع اولاش ايسه آرتق مداخله زنكندن چيقوب مغاوت شكلى
اكتساب ايلر .

اسباب مداخله لك اوننجيسى ده بردوانك حقوق دول قواعدى خلافده
برم ملك اختيار ايتسى در . بردوانك كافه دول متمدنه طرفندن قبول و وضع
ايداش بعض اساسلرك اخلالى موجب معامله ده بولنسى مداخله يى داعى اوله بيلر .
مثلا قورصان كييلرينك ، اساسلرك ، آلات و ادوات اخلاقه استعمالك منميله
محاربه لرده آبلوقه شرائطك حسن محافظه سته متعلق قواعدك اخلالى اسباب
مداخله دن عدايديلور سده شو اذعانك ده نه درجه به قدر وارد اوله بيله چكى تعيين

اولنه ماز . مثلاً اسارتك منى حقتده بر قاچ دولت بپننده واقع اولان بر ايتلاف نه دن ديكر بردولنه سرايت ايتسون . كذلك قورصالنك منعنه دائر اوروپا دولتلىرى بپننده منعقد ايتلافه روى نماشات كوسترميان امريقا يه جبراً شوخصوصى قبول ايتديرمك هيچ بردولتك خاطرندن كچمسه كر كدر .

مكتب ملكيه ماذونلرندن

ابراهيم احسان

مدخل حقوق دول

محمود اسعد افندى حضرتلرينك نشر ايتديكلى (مدخل حقوق دول) حقتده محررلرمزدن و مكتب حقوق معلملرندن احمد صلاح الدين بكك تنقيدايتى كچن نسخه مزده درج ايتمشدك . بو كره محمود اسعد افندى حضرتلرندن وارد اولان مقاله جوابيه يده . بيطر فلفمزه مبنى بو نسخه مزه قويسورز . كلهجك نسخه مزده اختصاراً يازملاش اولان نقاط سارهي پيش انظار قارينه وضع ايله جكز .

فراسه نك طولوز مكتب حقوق دول معلمى « هازى بولنفيس » طرفندن تأليف و حقوق دول عموميه مجموعه سنك مديرى « پول فوشيل » طرفندن توارخ مختلفه تصحيح و اكمل ايديان اثرى اساس اتخاذايدهرك وجوده كتورديكم « حقوق دول » ك مدخل قسمى بكنده موقع انتشاره وضع ايتمش ايدم . من الف فقداستهدف « قاعده سنجه اشبو اثر ناچيزك موقع مناقشه يه چكيكه جكنى و بو مناقشه نك بر او كى اولاد طرفندن و مطلقاً احمد صلاح الدين بك اوغلز جانبندن وقوعه كلهجكنى حس قبل الوقوع قبيلندن اوله رق - تخمين ايدر و كتابك طبع نايسنده استفاده همچون اشبو مؤخذاتك بر كون اول وقوعه كلسته انتظار ايلردم . انتظارم بوشه چيقمدى . سويملى « ا - اشاره » مزك اون اوچنجى نسخه نده « ا . ص » امضالو مقاله انتقاديه مطالعه اولندى . بونده اراز ايديلن توجه و احترامدن طولايى صاحب مقاله يه تشكر ايدرم .